






本冊目次

書名及撰人

卷次

頁次

御選歷代詩餘一百二十卷 清康熙四十六年聖祖仁皇帝御定

卷六十至卷九十七

四九九一



欽定四庫全書薈要

集部  
御選歷代詩餘卷六十一

詳校官編修臣汪鏞

欽定四庫全書薈要

御選歷代詩餘卷六十目錄  
九十五字

滿庭芳  
上又一體

宋徽宗

晏幾道

蘇軾  
六首

黃庭堅  
四首

秦觀  
四首

晁補之  
五首

陳師道

李之儀  
二首

毛滂  
二首

舒亶  
三首

趙令畤

米芾

葛勝仲

欽定四庫全書

御選歷代詩餘  
卷六十目錄

周紫芝 三首

葛郊 四首

周邦彥 四首

晁端禮 四首

沈會宗 二首

陳瓘

向子諲 二首

蔡伸 三首

王庭珪

葉夢得 二首

趙長卿

劉子翬

曾覲

辛棄疾 三首

黃公度

葛立方 六首

欽定四庫全書

御選歷代詩餘  
卷六十目錄

二

程垓

吳儆 二首

袁去華

張鎡

黃機

毛幵

汪莘 二首

吳潛

方岳

欽定四庫全書

御選歷代詩餘  
卷六十目錄

三

御選歷代詩餘卷六十目錄

欽定四庫全書會要卷二萬七百三十八 集部

御選歷代詩餘卷六十 九十五字

滿庭芳 上

又一體雙調九十五字一名滿庭霜一名鎖陽臺一名滿湘夜雨換頭二字間有用韻然無分體也

滿庭芳

宋徽宗

寰宇清夸元宵遊豫為開臨御端門暖風搖曳香氣霽  
輕氛十萬勾陳燦爛鈞臺外羅綺繽紛歡聲裏燭龍銜  
耀黼藻太平春 靈鼇擎綠岫冰輪遠駕初上祥雲照

欽定四庫全書

御選歷代詩餘

卷六十

萬宇嬉遊一視同仁更起維垣大第通宵燕調變良臣  
從茲慶都俞賡載千載樂昌辰

前調

晏幾道

南苑吹花西樓題葉故園歡事重重凭闌秋思閒記舊  
相逢幾處歌雲夢雨可憐流水各西東別來久淺情未  
有錦字繫征鴻 年光還少味開殘檻菊落盡溪桐謾  
留得尊前淡月西風此恨誰堪共說消愁時綠酒杯中  
佳期在歸時待把香袖看啼紅

前調 自黃移汝留別

蘇軾

歸去來兮吾歸何處萬里家在岷峨百年行樂來日幾  
曾多坐見黃州載閨兒童盡楚語吳歌山中友雞豚社  
飲相勸老東坡 云何當遠去人生底事來往如梭待  
閒看秋風洛水清波好在堂前細柳應念我莫翦柔柯  
仍傳語江南父老時與曬漁蓑

前調

蒙恩放歸陽羨作

蘇軾

歸去來兮清溪無底上有千仞嵯峨畫橋西畔天遠夕

欽定四庫全書

御選歷代詩餘

卷六十

陽多老去君恩未報空回首彈鋏悲歌船頭轉長風萬  
里歸馬駐平坡 無何何處是銀潢盡處天女停梭問  
人間何事久戲風波顧問同來穉子應爛汝腰下長柯  
青衫破羣仙笑我千縷挂煙蓑

前調

佳人

蘇軾

香輦雕盤寒生冰筋畫堂別是風光主人情重開宴出  
紅妝膩玉圓搓素頸藕絲嫩新織仙裳雙歌罷虛檐轉  
月餘韻尚悠颺 人間何處有司空見慣應謂尋常坐



中有狂客惱亂愁腸報道金釵墜也十指露春筍纖長  
親曾見全勝宋玉想像賦高唐

前調

蘇軾

蝸角虛名蠅頭微利算來著甚乾忙事皆前定誰弱又  
誰強且趁閒身未老儘放我些子疎狂百年裏渾教是  
醉三萬六千場思量能幾許憂愁風雨一半相妨又  
何須抵死說短論長幸對清風皓月苔茵展雲幙高張  
江南好千鍾美酒一曲滿庭芳

欽定四庫全書

御選歷代詩餘

卷六十

三

前調

為王長官賦

蘇軾

三十三年今誰存者算只君與長江凜然蒼檜霜幹苦  
難雙聞道司州古縣雲溪上竹塢松牕江南岸不因送  
子寧肯過吾邦 縱縱疎雨過風林舞破煙蓋雲幢願  
持此邀君一飲空缸居士先生老矣真夢裏相對殘缸  
歌舞斷行人未起船鼓已逢逢

前調

與劉仲達遊南山感舊

蘇軾

三十三年漂流江海萬里煙浪雲帆故人驚怪憔悴老

青衫我自疎狂異趣君何事奔走塵凡流年盡窮途坐  
守船尾凍相銜 嶢嶢淮浦外層樓翠壁古寺空高步  
攜手林間笑挽纖纖莫上孤峰盡處紫望眼雲水相攬  
家何在因君問我歸步遶松杉

前調

茶

黃庭堅

北苑龍團江南鷹爪萬里名動京闕碾輕羅細瓊蕊暎  
生煙一種風流氣味如甘露不染塵凡纖纖捧冰甕瑩  
玉金縷鷓鴣斑 相如方病酒銀瓶蟹眼波怒濤翻為  
扶起尊前醉玉頽山飲罷風生兩腋醒魂到明月輪邊  
歸來晚文君未寢相對小牕前

欽定四庫全書

御選歷代詩餘

卷六十

四

前調

雪中戲呈友人

黃庭堅

風力驅寒雲容呈瑞曉來到處花飛徧裝瓊樹春意到  
南枝便是漁蓑舊畫綸竿重橫玉低垂今宵裏香閨遽  
館幽賞事偏宜 風流金馬客歌鬟醉擁烏帽斜敲問  
人間何處鵬運天池且共周郎按曲音微誤首已先迴  
同心事丹山路穩長伴綵鸞歸



前調

黃庭堅

初綰雲鬟才勝羅綺便嫌柳巷花街占春才子容易託  
行媒其奈風流債負煙花部不免差排劉郎恨桃花片  
片流水惹塵埃 風流賢太守能籠翠羽宜醉金釵且  
留取垂楊掩映廳堦直待朱幡去後從伊便窄鞦韆  
知恩否朝雲暮雨還向夢中來

前調

黃庭堅

修水柔藍新條淡綠翠光交映虛亭錦鴛霜鷺荷徑拾

欽定四庫全書

御選歷代詩餘  
卷六十

五

幽蘋香度闌干屈曲紅妝映薄綺疎櫺風清夜橫塘月  
滿水淨見移星 堪聽微雨過嬾嫋藻荇瑣碎浮萍便  
移轉交牀湘簾方屏練靄鱗雲旋滿聲不斷檐響風鈴  
重開宴瑤池雪沁山露佛頭青

前調

秦觀

山抹微雲天黏衰草畫角聲斷譙門暫停征棹聊共引  
離尊多少蓬萊舊事空回首煙靄紛紛斜陽外寒鴉數  
點流水遶孤村 消魂當此際香囊暗解羅帶輕分謾

贏得青樓薄倖名存此去何時見也襟袖上空染啼痕  
傷情處高城望斷燈火已黃昏

前調

秦觀

紅蓼花繁黃蘆葉亂夜深玉露初零霽天空闊雲淡楚  
江清獨棹孤蓬小艇悠悠過煙渚沙汀金鈎細絲綸慢  
捲牽動一潭星 時時橫短笛清風皓月相與忘形任  
人笑生涯泛梗飄萍飲罷不妨醉臥塵勞事有耳誰聽  
江風靜日高未起枕上酒微醒

欽定四庫全書

御選歷代詩餘  
卷六十

六

前調

秦觀

碧水驚秋黃雲凝暮敗葉零亂空堦洞房人靜斜月照  
徘徊又是重陽近也聽幾處砧杵聲催西牕下風搖翠  
竹疑是故人來 傷懷增悵望新歡易失往事難猜問  
籬邊黃菊知為誰開謾道愁須殢酒酒未醒愁已先回  
憑闌久金波漸轉白露點蒼苔

前調

秦觀

晚色雲開春隨人意驟雨方過還晴高堂芳樹飛燕蹴



紅英舞困榆錢自落秋千外綠水橋平東風裏朱門映  
柳低按小秦箏多情行樂處珠鈿翠蓋玉轡紅纓漸  
酒空金盞花困蓬瀛豆蔻梢頭舊恨十年夢屈指堪驚  
凭闌久疎簾淡日寂寞下蕪城

前調

晁補之

鷗起蘋中魚驚荷底畫船天上來時翠灣紅渚宛似武  
陵迷更晚青山更好孤雲帶遠雨絲垂清歌裏金尊未  
掩誰使動分攜竹林高晉阮阿咸蕭散猶媿風期便  
棄官終隱釣叟苔磯縱是冥鴻雲外應念我垂翼低飛  
新詞好他年認取天際片帆歸

前調

憶廬山

晁補之

欲買廬山山前三畝小橋橫過松間變名吳市誰認舊  
容顏最好棲賢峽外應自此都隔塵寰人稀到壺中化  
國光景更堪閒無心求至道柴門閉了飽睡甘餐幸  
兒成孫長為婦家山若問他年歸去驀地也雙槳來還  
愁難舍清風萬壑高處正躋攀

前調

答李良

晁補之

聞說秋來乘槎心嬾夢回三島波間便思黃帽同我老  
山顏上界仙人官府何似我蕭散塵寰雲無止流泉自  
急此意本來閒寂寥松桂圃陪君好語亦可忘餐況  
瓊枝玉蕊秀滿春山若問幽棲何意莫道是飛鳥知還  
無言處孫登半嶺高詠更難攀

前調

題自畫蓮社圖次東坡韻

晁補之

歸去來兮名山何處夢中廬阜嵯峨二林深處幽士往  
來多看畫遠公蓮社教兒誦李白長歌如重到丹岩翠  
戶瓊草秀金坡生綃雙幅上諸賢中履文彩天梭社  
中客禪心古井無波我似淵明逃社怡顏晒百尺庭柯  
牛閒放奚童任嬾吾已廢鞭蓑

前調

晁補之

鄉物牽情家山回首浩然歸興難收報恩心事投老判  
悠悠却笑當年牛下空自許激烈寒謳成何事夸猶桂  
楫蘭芷詠芳洲人生萍梗迹誰非樂土何處吾州算

不須臨歧尚怙遲留要看香爐瀑布丹楓亂江色凝秋  
真堪與瀟湘暮雨圖上畫扁舟

前調

陳師道

閨嶺先春琅函聯壁帝所分落人間綺牕纖手一縷破  
雙團雲裏遊龍舞鳳香霧起飛月輪邊華堂靜松風竹  
雪金鼎沸潺湲門闌車馬動扶黃藉白小袖高鬟漸  
胃裏輪困肺腑生寒喚起謫仙醉倒翻湖海傾瀉濤瀾  
笙歌散風簾月幙禪榻鬢絲斑

欽定四庫全書

御選歷代詩餘

卷六十

九

前調

八月十六夜

李之儀

一到江南三逢此夜舉頭羞見嬋娟黯然懷抱特地遣  
誰寬分外清光潑眼迷滉漾無計拘攔天如洗星河盡  
掩全勝異時看佳人還憶否年時此際相見方難漫  
紅綾偷寄孤被添寒何事佳期再覩翻悵望重疊關山  
歸來呵休教獨自腸斷對團圓

前調

碾龍團為  
供者報之

李之儀

花陌千條珠簾十里夢中還是揚州月斜河漢曾記醉

歌樓誰賦紅綾小砌因飛絮天與風流春常在仙源路  
隔空自泛漁舟新秋初雨過龍團細碾雪乳浮甌問  
殷勤何處特地相留應念長門賦罷消渴甚無物堪酬  
情無盡金扉玉榜何日許重遊

前調

毛滂

爍石炎曦迷雲急雨院落槐午陰清藕花開徧綠細一  
池萍槽下珍珠溜溜龍團破河朔餘醒闌干外梧桐葉  
底金井轆轤聲盈盈開霧帳珊瑚連枕雲母圍屏對  
肌膚冰雪自有涼生翠袖風回畫扇拂香篆虬尾斜橫  
北牕晚娟娟靜色竹影上簾旌

欽定四庫全書

御選歷代詩餘

卷六十

十

前調

西園月  
夜賞花

毛滂

馬絡青絲障開紅錦小晴初斷香塵芳醪持燭別有箇  
佳人飛蓋西園午夜花梢冷雲月朧明應還惜留花伴  
月占定可憐春佳人爭插帽已殘芳樹猶綴餘英任  
紅辭香散蜨恨蜂嘖醉也和春戴去深院落初馥鑪熏  
玉臺畔從教卸了留映晚妝新

前調

重陽後  
次元直

舒 亶

寒日穿簾澄江憑檻練光浮動餘霞蓼汀蘆渚黃葉襯  
孤花天外征帆隱隱殘雲共流水無涯登臨處瓊枝澹  
灩風帽醉欹斜 豐年時節好玉香田舍酒滿漁家算  
浮世勞生事事輸他便恁從今酩酊休更問白雪籠紗  
還須仗神仙妙手傳向畫圖誇

前調

後一日再  
次馮通直

舒 亶

紅葉飄零寒煙疎淡樓臺半在雲間望中風景圖畫也

欽定四庫全書

御選歷代詩餘  
卷六十

十一

應難又是重陽過了東籬下黃菊闌珊陶潛去風流載  
酒秋意與人閒 霞冠敬倒處瑤臺唱罷如夢中還但  
醉裏贏得滿眼青山華髮看看滿也留不住當日朱顏  
平生事從頭話了獨自却凭闌

前調

送道  
宗

舒 亶

閭闔天門芙蓉春殿幾年目斷雞翹短蓬秋鬢端幸倚  
瓊瑤南圃花邊小院西湖畔雲底雙橋歸時節紅香露  
冷月影上芭蕉 明朝那可望旗亭煙草柳渡寒潮但

萬戶千門恨客歌樵戲綵光浮袞繡聽鳴珂響逼雲霄  
應回首綺裘醉客還自獨吹簫

前調

趙令時

玉枕生涼金缸傳曉敗葉飛破清秋雨餘翻浪渺渺阻  
行舟暫繫汀洲側畔風夜起荻葉添愁銀屏遠龍香漸  
盡還似夢揚州 更籌何太永當年情事今日堪酬最  
苦恨紅樓笑我飄浮為寄相思細字教字字愁蹙眉頭  
淒涼久漁人唱曉隨月過橫溝

欽定四庫全書

御選歷代詩餘  
卷六十

十二

前調

甘露寺  
試賜茶

米 芾

雅燕飛觴清談揮塵使君高會羣賢密雲雙鳳初破縷  
金團牕外鑪煙自動開餅試二品香泉輕濤起香生玉  
塵雪濺紫甌圓 嬌鬟宜美盼雙擎翠袖穩步紅蓮座  
中客翻愁酒醒歌闌點上紗籠畫燭花驄弄月影當軒  
頻相顧餘歡未盡欲去且留連

前調

懷任  
昉

葛勝仲

百不為多一不為少阿誰昔仕吾邦共推任筆鴻鼎力



能扛不為桃花祿米雙書倦一葦橫江招尋處徒行曳  
杖曾不擁麾幢 山川真大好魚磯無恙密嶺難雙聽  
訟訴多就樵塢僧牕歲月音容遠矣風流在遐想心降  
雲煙路搜奇弔古時為酹空缸

前調

周紫芝

樓上寒深江邊雪滿楚臺煙靄空濛一天飛絮零亂點  
孤蓬似我華顛雪鬢渾無定漂泊孤蹤空淒黯江天又  
晚風袖倚蒙茸 吾廬猶記得波橫素練玉做寒峰更  
短坡煙竹聲碎瓊瓏擬問山陰舊路家何在水遠山重  
漁蓑冷扁舟夢斷燈暗小牕中

前調

周紫芝

曉色凝暎霜痕猶淺九天春意將回隔年花信先到  
江梅沉水煙濃如霧金波滿紅袖雙垂仙翁醉問春何  
在春在玉東西 瑤臺人不老還從東壁來步天墀且  
細看八甌花影遲遲會見朱顏綠鬢家長近咫尺天威  
君知否天教雨露常滿歲寒枝

欽定四庫全書

御選歷代詩餘

卷六十

十三

前調

九日

周紫芝

江遶淮城雲昏楚觀一枝煙笛誰橫曉風吹帽霜日照  
人明暗惱潘郎舊恨應追念菊老殘英秋空晚茱萸細  
撚醺醺為誰傾 人間真夢境新愁未了綠鬢星星問  
明年此會誰寄幽情倚盡一樓殘照何妨更月到簾旌  
憑闌久歌君妙曲誰是米嘉榮

前調

宴黃仲秉

葛郊

紅葉飛時青山缺處鴈飛秋影斜陽鳳凰旌節何事到  
吾鄉要見大江東去寒光靜水與天長人爭看恩袍煥  
錦新惹御鑪香 滿城誇盛事兩邦鼓吹幾部笙簧看  
萬紅千翠簇擁雲裳況是重陽近也萸露紫菊吐輕黃  
休辭醉明朝一枕歌韻尚悠揚

前調

述懷  
三首

葛郊

歸去來兮苔波深處上有蒼翠千峰月橋煙墅家在五  
湖東試覓桃花流水雞犬靜人迹纔通沙汀晚一天雲  
錦飛下水晶宮 兩年官事少江梅霧暗多稼雲豐把

欽定四庫全書

御選歷代詩餘

卷六十

十四

毗壇清夢盡入詩筒只欠蘆花夜宿金溪上一葦秋風  
蓑衣在不辭重整來作釣魚翁

前調

葛郊

歸去來兮家林不遠夢魂飛繞煙峰洞房花木只在小  
池東誰道雲深無路小橋外一徑相通功名小從教羣  
蟻鏖戰大槐宮故人書夜到秣田百畝已兆年豐把  
烏程爛醉不數卮筒醉後村歌社舞團圓坐一笑春風  
洪崖伴定驅鸞鶴時一訪仙翁

欽定四庫全書

御選歷代詩餘

卷六十

十五

前調

葛郊

歸去來兮心空無物亂山不關看峰夜禪久坐牕曉日  
生東已絕乘槎妄想滄溪迴不與河通維摩室從教花  
雨飛舞下天宮何人開宴豆楚羹尊嫩吳鱠盤豐看  
一聲欸乃落日收筒應笑紅塵陌上津亭暮十里斜風  
從今去青鞵黃帽分付紫髯翁

前調

溧水無  
想山作

周邦彥

風老鶯雛雨肥梅子午陰佳樹清圓地卑山近衣潤費

鑪煙人靜烏鳶自樂小橋外新綠濺濺凭闌久黃蘆苦  
竹疑泛九江船年年如社燕飄流瀚海來寄修椽且  
莫思身外長近尊前顚顚江南倦客不堪聽急管繁絃  
歌筵畔先安簟枕容我醉時眠

前調

懷錢  
塘

周邦彥

山掩籠春江城吹雨暮天煙淡雲昏酒旗漁市冷落杏  
花村蘇小當年秀骨縈蔓草空想羅裙潮聲起高樓噴  
笛五兩了無聞淒涼懷故國朝鐘暮鼓十載紅塵但  
夢魂迢遞長到吳門聞道花開陌上歌舊曲愁煞王孫  
何時見名娃喚酒同倒甕頭春

欽定四庫全書

御選歷代詩餘

卷六十

十六

前調

周邦彥

花撲鞭梢風吹衫袖馬蹄初趁輕裝都城漸遠芳樹隱  
斜陽未慣羈遊況味征鞍上滿目淒涼今宵裏三更皓  
月愁斷九迴腸佳人何處去別時無計同引離觴但  
惟有相思兩處難忘去即十分去也如何向千種思量  
凝眸處黃昏畫角天遠路岐長

前調

周邦彥

白玉樓高廣寒宮閣暮雲如障  
寒開銀河一派流出碧  
天來無數星躔玉宇冰輪動  
光滿樓臺登臨處全勝瀛  
海弱水浸蓬萊  
雲鬟香霧濕月娥韻壓雲凍  
江梅況  
餐花飲露莫惜徘徊坐看人  
間如掌山河影倒入瓊杯  
歸來晚笛聲吹徹九萬里塵埃

前調

晁端禮

綠繞羣峰紅搖千柄夜來暑雨初收  
共君乘興輕舫信

欽定四庫全書

御選歷代詩餘  
卷六十

十七

悠悠且盡一尊別酒荷香裏滿酌輕謳  
明朝去征颿夜  
落何處好汀洲  
風流吾小阮朝辭東觀夕向南州  
況  
聖時爭教賈傅淹留若過潯陽亭上  
琵琶淚莫灑清秋  
堤邊柳從今愛惜留待繫歸舟

前調

晁端禮

天與疎慵人憐憔悴分甘拋棄簪纓  
有時乘興波上葉  
舟輕十里橫塘過雨荷香細蘋末風清  
真如畫殘霞淡  
日偏向柳梢明  
凝情塵網外鱸魚旋鱠芳酒深傾又

算來何須身外浮名無限滄浪好景  
蓑笠下且遣餘生  
長歌去機心盡矣鷗鷺莫相驚

前調

晁端禮

雪滿貂裘風搖金轡笑看錦帶吳鉤  
照人青鬚年少定  
封侯此去馬蹄何處山萬疊濟水南州  
君知否劉郎未  
老曾是恣狂遊  
風流佳麗地十年屈指一夢迴頭最  
難忘西湖北渚澄秋玉砌雕闌好在  
桃共李曾憶人不  
衰翁也多情為我將恨寄紅樓

欽定四庫全書

御選歷代詩餘  
卷六十

十八

前調

晁端禮

北渚澄瀾南山凝翠望中渾似仙鄉  
萬家煙靄朱戶鎖  
垂楊好似飛泉漱玉迴環偏小曲深坊  
西風裏芙蓉帶  
雨飄散滿城香  
微涼湖上好橋橫倒影月練飛光  
命  
玳簪促席雲鬢分行誰似風流太守  
端解道春草池塘  
須留戀神京縱好此地也難忘

前調

沈會宗

柳與堤迴橋隨湖轉望中如在蓬萊  
水禽高下煙霧斂



還開認是仙翁住處都不見一點塵埃壺天晚清寒帶  
雪光景自徘徊 高才廊廟手當年平步直到堯堦況  
今朝調鼎尤待鹽梅只恐身閒不久難留戀花月樓臺  
看新歲春風且送五馬過江來

前調

沈會宗

雪底尋梅冰痕觀水晚來天氣尤寒漸聞歌笑輕暖發  
春妍賞盡十洲新景依稀見三島風煙判深夜一年月  
色只是這番圓 熙然千里地何妨載酒頻上湖船況  
坐中高客不日朝天須勝人間好處沒箇事贏得尊前  
東風近侵尋桃李別做醉黃緣

前調

陳瓘

淮葉繽紛江煙濃淡別尊同倒寒暄未逢春信霜露惹  
征衣往事元無是處何須待回首知非春鵲語從來勸  
我長道不如歸 家山何處近江樓簾櫳夕捲朝飛問  
西江筍蕨何似鱸肥且置華胥舊夢忘言處千古同時  
君知我平生心事相契古來稀

欽定四庫全書

御選歷代詩餘

卷六十

十九

前調

桂二首

向子諲

月窟蟠根靈岩分種絕知不是塵凡瑠璃翦葉金粟綴  
花繁黃菊周旋避舍友蘭蕙羞殺山礬清香遠秋風十  
里鼻觀已先參 酒闌聽我語平生半是江北江南經  
行處無窮綠水青山常被此花相惱思共老結屋中間  
不因著鄉林底事遊戲到人寰

前調

向子諲

瑟瑟金風團團玉露岩花秀發秋光水邊一笑十里得  
清香疑是蕊宮仙子新妝就嬌額塗黃霜天晚妖紅麗  
紫回首總堪傷 中央孕正色更留明月偏照何方便  
高如蘭菊也讓芬芳輸與薜蘿居士微吟罷閒據胡牀  
須知道天教尤物相伴老江鄉

前調

蔡伸

煙鎖長堤雲橫孤嶼斷橋流水溶溶凭闌凝望遠目送  
征鴻桃葉溪邊舊事如春夢回首無蹤難忘處紫薇花  
下清夜一尊同 東城攜手地尋芳選勝賞徧珍叢念

欽定四庫全書

御選歷代詩餘

卷六十

二十

紫簫聲闌燕子樓空好是盧郎未老佳期在端有相逢  
重重恨聊憑紅葉和淚寄西風

前調

蔡伸

風捲龍沙雲垂平野晚來密雪交飛坐看闌檻瓊蕊徧  
寒枝妝點蘭房景致金鋪掩簾幙低垂紅爐畔淺斟低  
唱天色正相宜更闌人半醉香肌玉暖寶髻雲散又  
何須高會梁苑瑤池堪笑子猷訪戴清興盡忍凍空回  
仍休羨漁人江上披得一蓑歸

欽定四庫全書

御選歷代詩餘  
卷六十一

二十一

前調

蔡伸

鸚鵡洲邊芙蓉城下迥然水秀山明小舟雙槳特地訪  
雲英驚破蘭衾好夢開朱戶一笑相迎良宵永南牕皓  
月依舊照娉婷別來無限恨持杯欲語恍若魂驚愴  
霎時相見又慘離情還是匆匆去也重攜手密語叮嚀  
佳期在寶釵鸞鏡端不負平生

前調

上元黃子  
餘席上

王庭珪

宿雨初收晚風微度萬家簾捲青煙暗塵隨馬人物似

神仙試問天公借月天須放明月教圓應移下廣寒宮  
殿燈火接星躔盧川元古郡當時太守賓從俱賢到  
如今萬井歌吹喧闐花下紅妝賣酒時相遇曲水橋邊  
誰知道山城父老重見中興年

前調

雨後極目  
亭寄友

葉夢得

麥隴如雲清風吹破夜來疎雨纔晴滿川煙草殘照落  
微明縹緲危闌曲檻遙天盡日脚初平青林外參差暝  
靄縈帶遠山橫孤城春雨過綠陰是處時有鶯聲問  
落絮遊絲畢竟何成信步蒼苔遶徧真堪付閒客閒行  
微吟罷重回皓首江海渺遙情

欽定四庫全書

御選歷代詩餘  
卷六十一

二十二

前調

葉夢得

一曲離歌煙林人去馬頭微雪新晴隔年光景回首近  
清明斷送殘花又老春波靜湖水初平誰重到雕闌盡  
日遙想畫橋橫高城凝望久何人為我重唱餘聲問  
桃李更有幾處陰成老去從遊似夢尊前事空有經行  
猶能記殷勤寄語多謝故人情

前調七夕

趙長卿

雨洗長空風清雲路又還準備佳期夜涼如水一似去  
秋時渺渺銀河浪靜星橋外香靄緋緋霞輶舉鸞驂鵲  
馭穩穩過飛梯經年成間阻相逢無語應喜應悲怕  
玉繩低處依舊睽離和我愁腸萬縷嫦娥怨底事來遲  
廣寒殿春風桂魄首與慰相思

前調

和胡明仲  
桂花詞

劉子翬

秋入微陰涼生平遠小山愁絕天南似聞還斷飛策徧

欽定四庫全書

御選歷代詩餘

卷六十

二十三

千岩葉底輕黃纂纂惱人是微裂芳絨翛然勝清真冷  
淡無豔寄塵凡激潭鼓兩岸波光搖動碧影相參任  
西風十里吹度松杉我自寒灰槁木凝神處不覺醺酣  
歸來晚飛花無迹明月滿空函

前調賞牡丹

曹覲

冶態輕盈香風搖蕩畫闌淑景初長彩霞深處明豔奪  
昭陽試問沈香舊事應勸我莫負韶光多情是低徊顧  
影雲幙淡微涼人間春更好一枝斜插猶記疎狂到

如今潘鬢暗點吳霜樂事直須年少何妨擽一醉千觴  
醺醺醉壺天向晚春思正悠揚

前調

和洪相景伯  
呈景廬內翰

辛棄疾

急管哀絃長歌慢舞連娟十樣宮眷不堪紅紫風雨曉  
稀稀惟有楊花飛絮依舊是萍滿芳池醺醺在青虬快  
翦插徧古銅彝誰將春色去鸞膠難覓絃斷蛛絲恨  
牡丹多病也費醫治夢裏尋春不見空腸斷怎得春知  
休惆悵一觴一詠須刻右軍碑

欽定四庫全書

御選歷代詩餘

卷六十

二十四

前調

游豫章東  
湖再用韻

辛棄疾

柳外尋春花邊得句怪公喜氣軒眉陽春白雪清唱古  
今稀曾是金鑾舊客記鳳凰獨遶天池揮毫罷天顏有  
喜催賜尚方彝只今江山遠釣天夢覺清淚如絲算  
除非痛把酒療花治明日五湖佳興扁舟去一笑誰知  
溪堂好且擽一醉倚杖讀韓碑

前調

辛棄疾

西崦斜陽東江流水物華不為人留瑣然一葉天下已